

17. ársþing Héraðssambands Vestfirðinga 18. maí 2017

Haldið í Stjórnsýsluhúsinu Ísafirði kl. 17:00

Dagskrá:

1. Þingsetning.

Guðný Stefanía Stefánsdóttir setur þingið kl.17.10

2. Kosning fyrsta og annars þingforseta.

1. þingforseti er Birna Lárusdóttir og 2. þingforseti Sturla Páll Sturluson .
Birna tekur við stjórn og biður fólk að fylgja dagskrá að því gefnu að enginn geri athugasemd við boðun þings.

3. Kosning fyrsta og annars þingritara.

1. Salome Elín Ingólfssdóttir og 2. Ingi Björn Guðnason

4. Kosning þriggja manna kjörbréfanefndar.

Ekki er gerð athugasemd við boðun þingsins og því haldið áfram og kosið í þriggja manna kjörbréfanefnd. Marinó Hákonarson, Harpa Björnsdóttir og Svavar Þór Guðmundsson.

Nefndin tekur strax til starfa.

5. Skýrsla stjórnar lögð fram.

Guðný Stefanía Stefánsdóttir flutti skýrslu stjórnar.



Héraðsþing HSV 23. maí 2017

Ávarp formanns

Þingforseti, fulltrúi UMFÍ og ÍSÍ, bæjarstjóri Ísafjarðarbæjar, sveitarsjóri Súðavíkur, aðrir gestir og ágætu félagar aðildarfélaga HSV. Ég býð ykkur hjartanlega velkomin á 17. ársþing HSV.

Eins og öll önnur starfsár héraðssambandsins hefur verið mikið að gera og okkar íþróttafólk farið um víðan völl og unnið stóran sigra og smáa. Okkar stærsta verkefni á síðasta ári var Landsmót 50+ sem haldið var hérna á Ísafirði. Með mikilli vinnu allra sem komu að mótinu þá tókst okkur og halda frábært mót sem verður lengi í minnum haft. Ég vil þakka öllum þeim sem komu að með einum eða öðrum hætti, án ykkar hefði þetta aldrei verið hægt.

HSV fékk styrk á síðasta ári til þess að hefja sameiginlegar styrktaræfingar fyrir iðkendur á aldrinum 12 – 18 ára. Við fengum Atla Jakobsson og Tómas Emil Guðmundsson Hansen sjúkráþjálfara til að sjá um þessar æfingar. Æfingarnar voru tvisvar í viku og hafa gengið mjög vel. Krakkarnir eru ánægðir og við höfum fengið fregnir af því að það tilfellum í þessum aldurshópi hjá sjúkráþjálfara hafi minnkað. Þetta er verkefni sem við viljum halda áfram með og það er svo sannarlega þörf á því.

Sveitafélögin okkar tvö, Ísafjarðarbær og Súðavík eru okkar stoð og stytta og án þeirra getum við ekki haldið áfram okkar framþróun fyrir samfélagið í heild sem hefur mikla þýðingu. Með betri afkomu Ísafjarðarbæjar vonum við að það muni skila sér inn til íþróttahreyfingarinnar með meiri fjármunum í samstarfssamninginn og verkefnasamninginn.

Eins og flestir vita þá er mkili þörf á úrbótum þegar kemur að íþróttamannvirkjum. Það er lífsnauðsynlegt fyrir knattspyrnuna á norðanverðum Vestfjörðum að byggja hús. En hús mun ekki bara þjóna knattspyrnunni heldur mun fleiri. Við höfum séð það á þeim húsum sem risið hafa í kringum landið að



Héraðsþing HSV 23. maí 2017

Þar er mikið líf og alls ekki bara knattspyrna. Við vitum líka að með því að fótboltinn fari út úr íþróttahúsinu á Torfnesi og í Bolungarvík þá verður mun meiri tími fyrir þær íþróttir sem eiga heima þar inni.

En það er ekki bara fjölnotahús sem við þurfum. Við þurfum að bæta aðstöðu fyrir sund hérna á Ísafirði. Ég vil að það verði framtíðarsýn í því og það er mín von að við fáum útiaðstöðu á Torfnesi og eftir ákveðin ár þá munum við sjá sundlaug rísa þar líka. Og talandi um aðstöðu þá þurfum við líka

líkamsræktarstöð og þar á sveitafélagið að koma að með aðstöðu sem einkaaðilar geta svo rekið. Einnig er orðið mjög brýnt að laga gólfíð í íþróttahúsinu og ég vona að það verði lagað í sumar eins og talað var um.

Það er loksins komin frístundarúta og er hún vel nýtt af okkar iðkendum. Við viljum þakka Ísafjarðarbæ og Bolungarvíkurkaupstað fyrir og er það okkar von að þetta muni halda áfram um ókomin ár. Það hefur sýnt sig að rútan gefur fleiri iðkendum tækifæri til að sækja æfingar á öllum tímum og vera ekki háðir því hvort að foreldrar geti skutlað eða ekki.

Vestri íþróttafélag var stofnað þann 26. janúar 2016 þar sem Blakfélagið Skellur, BÍ/Bolungarvík, KFÍ og Sundfélagið Vestri voru sameinuð. Þetta rúma ár sem liðið er frá því að þetta sameinaða félag var stofnað hafa þegar komið titlar í hús. Þar á meðal bikarmeistaratitill og deildarmeistaratitill. Á næstu árum mun það koma enn betur í ljós hversu mikivægt það er fyrir okkur að koma saman sem ein heild.

Á hverju ári eru haldin íþróttamót hérna á svæðinu. Má m.a annars nefna handboltamót sem Hörður heldur hér í lok apríl þar sem drengir í 5. flokki koma og spila heila helgi, einnig eru haldin hér blakmót og körfuboltamót. Með fjölnota íþróttahúsi gætum við líka haldið knattspyrnumót. Síðast en klárlega ekki síst eru öll skíðamótin sem haldin hér á hverju ári. Þar trónir á toppnum

Fossavatnsgangan sem er eitt af elstu mótum á landinu. En það var fyrst haldið árið 1935.

Stjórn ásamt framkvæmdastjóra vann á árinu að hinum ýmsu verkefnum.

Haldnir voru 9 stjórnarfundir og fjölmargir aðrir minni fundir í hinum ýmsu nefndum og með aðildarfélögum. Ég vil nota tækifærið og þakka þeim sem komu að starfsemi HSV á árinu, stjórn, framkvæmdastjóra, yfirþjálfara Íþróttaskóla HSV og öðrum velunnurum sambandsins fyrir góð og vel unnin störf.

Starfsemi aðildarfélaga

Aðildarfélög HSV eru 17, misjafnlega virk þó. Innan þeirra vébanda voru 1642 virkir iðkendur árið 2016. Þar af 917 iðkendur yngri en 18 ára. Innan aðildarfélaga HSV voru skráðir 4516 félagar, sem gerir HSV að stærstu félagasamtökum í Ísafjarðarbæ.

Íþróttaskóli HSV

Íþróttaskóli HSV er löngu orðinn fastur punktur í starfsemi okkar og er það vel. Við viljum hafa skólann í stöðugri þróun og við viljum líka fá að vita hvernig foreldrum líkar við þjónustuna og ekki síst hvernig börnunum líður, því þetta er jú fyrir þau gert. Nýlega var gerð viðhorfsskönnun meðal foreldra til að kanna líðan barna og hug foreldra til skólans. Verða niðurstöður þeirra könnunar birtar fljótlega. Á hverju ári höfum við gefið útskriftarnemum gjöf og vonum við að það verði einnig að þessu sinni. Við erum að leita styrktaraðila og mun það koma í ljós á næstu dögum.

Þátttakan á árinu sem er að líða hefur verið með ágætum og sýnir viðhorfsskönnun síðasta vors að mikill meirihluti forráðamanna er afar ánægður með starf skólans.

Rekstur HSV



Héraðsþing HSV 23. maí 2017

Ársreikningur HSV fyrir 2016 sýnir að sambandið er aftur að komast yfir núllið. Það má ekki mikið útaf bregða til þess að fara aftur undir og það varf að halda vel á spöðunum. Það má helst nefna landsmót 50+ sem kom vel út og var það fyrir mikla vinnu og elju þeirra sem að koma. Einnig er framkvæmdarstjóri búinn að vera í 50% starfi um hríð. Um næstu áramót rennur út samstarfsamningurinn við Ísafjarðarbæ og bindum við miklar vonir við að samningurinn verði eflur sem um munar til þess að efla íþrótt- og tómsundastarf enn frekar í sveitafélaginu. Til þess að geta sinnt okkar starfi eins vel og við viljum þá þurfum við meiri fjármuni

Inn í samstarfssamningi HSV og Ísafjarðarbæjar er kveðið á um að Ísafjarðarbær leggi HSV til íbúðastyrk í formi afnota af fimm íbúðum Fasteigna Ísafjarðarbæjar ehf. Þessar íbúðir hafa verið í Múlalandi og í Hnífsdal og það er ekkert of stórt til orða tekið ef við segjum bara að þetta sé lífsnauðsynlegt fyrir félögin hér á svæðinu. Mörg félög hafa átt í erfiðleikum með að manna þjálfarastöður sínar en að hafa aðgang að íbúð gerir hlutina auðveldari í samningarviðræðum við þjálfara um að koma vestur. Nú er staða íbúðamála í bænum hinsvegar sú að framboð virðist minna en eftirspurn og ásókn hefur aukist í íbúðir hjá bænum. Það er því brýnt að minna á úthlutunarreglur HSV þar sem brýnt er að þjálfarar á barna- og unglingastigi eru í forgangi fyrir íbúðir.

Skýrsluskil aðildarfélaga

Á þessu þingi liggur frammi í tölvutæku formi ársskýrsla HSV þar sem gert er grein fyrir starfsemi HSV og aðildarfélaga þess og sýnir hún hversu umfangsmikið og gott starf er að finna hjá aðildarfélögum. Því miður vantar skýrslur frá nokkrum aðildarfélögum en þær hafa ekki borist til HSV. Rétt er að minna á breytingu á á 5. grein laga HSV er samþykkt var á síðasta fundi. Þar er kveðið á um að skila þurfi starfsskýrslu til HSV fyrir 15. apríl þar sem fram kemur félagatal, iðkendatal og ársreikningar. Þessari starfsskýrslu er skilað

gegnum Felix skráningarkerfi ÍSÍ og UMFÍ. Einnig eiga aðildarfélög að skila ársskýrslum til HSV að loknum aðalfundum sínum eða eigi síðar en 31. maí. Ársskýrslur skulu innihalda skýrslu stjórnar með árituðum ársreikningi. Það er aldrei of oft ítrekað að skil á starfsskýrslum og ársskýrslum er grundvallar atriði í starfi íþróttafélaga og algjört skilyrði til að félög geti haldið áfram að þiggja opinbert fé. Rekstrarstyrkir frá Ísafjarðarbæ og lottótekjur eru náttúrulega ekkert annað en opinbert fé. Og það er ábyrgðarhluti að þiggja opinbert fé. Í 5. grein laga HSV kemur einnig fram að verði vanhöld á skýrsluskilum er HSV heimilt að halda eftir styrkjum til viðkomandi félags. Geri viðkomandi félag ekki skil á ársskýrslum á réttum tíma tvö ár í röð hefur stjórn HSV heimild til að taka viðkomandi félag af úthlutunarlista.

Íþróttamaður Ísafjarðarbæjar

Íþróttamaður Ísafjarðarbæjar 2016 var kjörinn þann 22. janúar síðastliðinn þegar sundkonan Kristín Þorsteinsdóttir var útnefnd Íþróttamaður Ísafjarðarbæjar við hátíðlega athöfn. Þetta var fjórða árið í röð sem Kristín hlýtur þessa viðurkenningu. Kristín hefur sýnt okkur að það er allt hægt og hún fer þangað sem hún ætlar sér, Óska ég þessum unga og frábæra íþróttamanni til hamingju með þennan titil. Afreksfólk í íþróttum er nauðsynlegur hvati fyrir ungu kynslóðina og þau eru fyrirmyndirnar sem horft er til. Það fylgir því ábyrgð að vera fyrirmynd og það er ánægjulegt að sjá þennan unga og glæsilega íþróttamann koma fram sem góð fyrirmynd fyrir hönd Ísafjarðarbæjar.

Afreksstefna HSV

Staða afreksmanna hjá HSV hefur verið óbreytt undanfarin ár. HSV útteildi á síðasta ári kr. 2.145.000. Sú upphæð skiptist á marga einstaklinga og er ekki alltaf há en hefur svo sannarlega skipt máli hjá öllum þeim sem fengu styrk. Innan vébanda HSV er mikið af afreksfólki og er það vel, við erum með fjölda ungra íþróttamanna á svæðinu sem hafa verið valin í landsliðsúrtek. Sum hver

Héraðsþing HSV 23. maí 2017

hafa svo náð það langt að vera fastir menn á landsliðsæfingu og svo hafa enn aðrir fengið tækifæri til þess að keppa fyrir landslið sinnar íþróttagreinar.

Þennan hóp viljum við styrkja og efla.

Á héraðsþingi 2015 var lögð fram ný reglugerð fyrir sjóðinn. En ekki náðist að úthluta samkvæmt henni árið 2016. Í vetur hefur verið unnið að nokkrum breytingum á þeirri reglugerð og eru þær breytingar lagðar fyrir þetta þing. Við munum vinna eftir henni frá og með næsta hausti og erum við líka að leita leiða til að fá frekara fjármagn inn í sjóðinn.

Ferðakostnaður

Á hverju ári fara milljónir í ferðakostnað hér á svæðinu. Þetta er kostnaður sem er að mestu leyti sóttur til foreldra hvort sem það er með vinnuframlagi þeirra eða beinum fjáröflunum. Á síðasta ári jukust fjárframlög frá ríkinu inn í sjóðinn og eiga að gera það enn frekar á þessu ári. Til úthlutunar fyrir árið 2016 voru 97 milljónir. Félög innan HSV fengu tæpar 6 milljónir af því. Sameining íþróttafélaganna hefur töluvert að segja því hver umsókn hjá félagi hefur áhrif á útgreiðsluhlutfall. Til gamans má geta að félög innan HSV ferðuðust 71.132 km samtals, það eru 53,4 hringir í kringum landið. Stysta ferðin var 762 km og lengsta 1778 km. Þetta segir okkur það að mikilvægi góðra samganga er lykilatriði.

UMFÍ

Starfsárið 2016 fóru þátttakendur frá HSV á bæði landsmót 50+ hér á Ísafirði og unglíngalandsmót UMFÍ í Borgarnesi. Keppendur HSV á unglíngalandsmóti voru heldur fáir þetta árið líkt og undanfarin ár. Mikilvægt er að við mætum vel á unglíngalandsmót og þurfum við að finna leiðir til að auka þátttöku okkar krakka. Unglíngalandsmót er fjölskylduskemmtun án allra vímuefna og er góður kostur fyrir fjölskyldur og börn þeirra ef gera á verslunarmannahelgina skemmtilega og minnisstæða.

40. sambandsráðsfundur var haldin á Laugum í Sælingsdal 15. október og þar var mikið rætt. Það má eiginlega segja að það sem stóð uppúr var umræðan um rafrettuna. Fólk var ekki sammála hvar ætti að staðsetja rafrettuna, það er að segja hvort hún væri tóbak eða ekki. Það eru komnar fram margar rannsóknir og ein segir þetta og önnur hitt. Það er samt alveg ljóst að mínu mati að þetta er ekki af hinu góða og við verðum að vera á verði. Mér finnst langt frá því að vera eðlilegt fólk sé með þetta hvar sem er.

ÍSÍ

73. Íþróttahólfing ÍSÍ var haldið dagana 5. og 6. maí síðastliðin í Gullhömrum í Grafarholti. Þar var ekki mikið tekist á en alltaf komu sömu einstaklingar upp í ræðustól og hafa gert undanfarin íþróttahólfing. Það voru gerðar lagabreytingar í afrekssjóðnum, einnig var rætt um að húsnæði ÍSÍ væri úr sér gengið og þyrfti að fara í framkvæmdir á næstu árum. Felix bar oft á góma og voru menn sammála um það að kerfið væri ekki að virka eins og notendur vonuðust til. Það er búið að setja margar milljónir í þetta kerfi og við viljum ekki hafa þetta svona. Það sem kom mér á óvart var að sjálfkjörið var í framkvæmdarstjórn ÍSÍ. Það er ákveðið áhyggjuefni, það er líka umhugsunarvert um það að það eru einungis tveir fulltrúar frá landsbyggðinni.

Lokaorð

Það er margt sem formaður í héraðssambandi þarf að huga að en það væri ekki hægt nema með aðstoð framkvæmdarstjóra. Undanfarna mánuði hefur Sigríður Lára framkvæmdarstjóri verið í 50% starfi og það er of lítið. Í september munum við hækka hennar starfshlutfall upp í 75%.

Mikil aukning varð á landsliðsverkefnum hjá okkar iðkendum á árinu 2016, blak, fótbolli, handbolli, körfubolti og skíði.

Ég vil þakka sérstaklega öllum þeim sem hafa með einum eða öðrum hætti komið að starfsemi aðildarfélaganna HSV, án ykkar er þetta starf ekki mögulegt og

ég ásamt öllum hérna inni viljum sjá starfið eflast enn frekar. Einnig vil ég þakka Kubba fyrir þessar flottu veitingar sem við munum gæða okkur á á eftir.

6. Endurskoðaðir reikningar lagðir fram.

Karl Ásgeirsson gjaldkeri HSV leggur fram reikningana. Reikningar eru í ársskýrslunni. Lagðir fram sem þingskjal nr. 1.

7. Ávörp gesta.

Hrönn Jónsdóttir ritari UMFÍ ávarpar þingið. Þakkar fyrir heimboðið. Ber þinginu kveðju stjórnar og starfsmanna UMFÍ. Sér mikla framsýni í mannauðnum hér, lofar Íþróttaskóla HSV og tekur fram að mörg félög horfa til HSV hvað skipulag Íþróttaskólans varðar. Samstarf UMFÍ og HSV hefur verið gott en veltir því upp hvað UMFÍ getur gert betur. UMFÍ er þjónustustofnun fyrir héraðssambönd og hún hvetur HSV til að hafa samband til að fá aðstoð við ýmislegt sem við kemur íþróttamálum. Tekur fram að Felix sé kerfi sem þarf að sýna þolinmæði því þessi skýrslusöfnun er mikilvæg og þarna er að geyma mikinn gagnagrunn sem safnast hefur upp undanfarin ár. Í lok ræðu sinnar biður hún Guðna Guðnason að koma upp og taka við starfsmerki UMFÍ.

Guðni Ólafur Guðnason er uppalinn KR-ingur og spilaði lengi körfuknattleik fyrir félagið sem á hans tíma vann bæði Íslands- og bikarmeistaratitla. Guðni hefur einnig leikið fyrir íslenska landsliðið í körfuknattleik. Hann flutti til Ísafjarðar ásamt fjölskyldu sinni árið 1996 og varð strax öflugur liðsmaður KFÍ. Þar hefur hann sinnt fjölmörgum hlutverkum, var leikmaður fyrstu ár sín hér vestra, sinnti þjálfun bæði barna og meistaraflokks auk þess að sitja í stjórn KFÍ. Guðni hefur einnig setið í stjórn HSV og var um tíma varaformaður sambansins. Guðni var einn þeirra sem stóð að vinnunni bak við stofnun Vestra og er nú gjaldkeri aðalstjórnar Vestra. Á þessari upptalningu sést að vinnuframlag Guðna til íþróttastarfs er mikið og fjölbreytt.

Hrönn þakkar fyrir sig og óskar góðs þings.

Gísli Halldór Halldórsson bæjarstjóri Ísafjarðarbæjar biður um orðið. Er ánægður að heyra og vita til þess að við höfum gert margt vel hér fyrir vestan, starfið er mikils virði fyrir samfélagið. Uppbygging undanfarinna ára og samstafssamningar af hinu góða og uppbyggingin af hinu góða. Nú er komið að endurupptöku samnings Ísafjarðarbæjar og HSV, tækifæri til að bæta það sem hægt er og halda áfram því góða starfi sem orðið er. Ýmisleg má endurskoða í samningnum svo sem hvernig erindi berast til Ísafjarðarbæjar frá íþróttafélögunum, þótt tryggja verði að HSV sé alltaf umsagnaraðili. Hann nefnir dæmi um uppbyggingarsamningana sem hafa reynst vel. Almennt þurfi að slípa ferla á milli HSV og bæjarins og bæta enn frekar það sem vel er gert.

8. Álit kjörbréfanefndar.

Marinó Hákonarson fer með álit kjörbréfanefndar. Fyrir kjörbréfanefnd lágu fyrir 8-9 kjörbréf. Marinó tekur fram að ætíð skuli kjörbréfanefnd hafa yfir fjöldatölum íþróttafélaga að ráða, þar liggur grundvöllurinn að því hvernig skipta á atkvæðum.

Íþróttafélagið Kubbi: Finnur Magnússon

Íþróttafélagið Ívar: Harpa Björnsdóttir

Knattspyrnufélagið Hörður: Gísli Jón Kristjánsson, Óli Björn Vilhjálmsson, Torfi Einarsson, Grétar Eiríksson.

Hestamannafélagið Hending: Marinó Hákonarson

Íþróttafélagið Höfrungur: Guðrún Snæbjörg, Lísbet Óla Jörgensen

Íþróttafélagið Stefnir: Þorgerður Karlsdóttir

Sæfari: Magnús Þór Bjarnason

Skíðafélag Ísfirðinga: Ásgerður Þorleifsdóttir, Hólmfríður Vala Svavarsdóttir, Einar Yngvason, Jóhanna Oddsdóttir, Guðmundur Ragnarsson, Heimir Hansson

Golfklúbbur Ísafjarðar: Kristinn Kristjánsson, Guðni Guðnason, Salmar Jóhannsson

Vestri: Svavar Guðmundsson, Harpa Guðmundsdóttir, Hjalti Karlsson, Guðfinna Hreiðarsdóttir, Harpa Grímsdóttir, Jóhann Torfason, Baldur Jónasson.

9. Umræður um skýrslu stjórnar.

Orðið laust um skýrslu stjórnar og Marinó Hákonarson kveður sér hljóðs.

Glæsileg skýrsla vill hann meina en hann hefur það við hana að athuga að hann fékk hana ekki í hendurnar fyrr en rétt fyrir þing, 4 tímum og 39 mínútum fyrr, sem er óásættanlegt. Ekki nokkur leið fyrir félög að fjalla um hana í sínum stjórnnum og hann vill að þetta verði lagað. Margt í rekstri sem mætti betur fara og sumt verður þar að laga. Hann vill meina að heimasíðan sé eina tenging HSV við aðildafélögin. Skýrsla af stjórnarfundum er undantekningarlaust tvo mánuði að berast inn á netið. Hann nefnir að þinggerð ársþingsins í fyrra skilaði sér 23. mars 2017, finnst það ekki ásættanlegt. Þinggerðin var ekki á nokkurn hátt borin undir þá sem sátu þingið og það vill hann að sé lagað. Hann vill hafa hlutina í lagi og uppá borðinu svo þeir sem vinna í þessu sem sjálfbóðaliðar geti fylgst með. Verða að fá staðfestingu þess efnis að þeir sem fá greitt fyrir vinnu sína hjá HSV vinni vinnuna sína. Vill vita hver veitti styrk til styrktaræfinga ungmenna innan HSV.

Guðný Stefanía, formaður HSV, tekur til máls. Áréttar að heimasíðan er ekki eina tenging íþróttafélaganna við HSV. Framkvæmdastjóri er við á skrifstofu HSV og öllum velkomið að koma þar við og koma með fyrirspurnir og

áþendingar. Tekur skýrt fram að fundargerðir koma ekki allar inn tveimur mánuðum eftir fundina. Ýmsar ástæður fyrir því að þinggerð ritara fyrir ársþingið 2016 kom inn mjög seint og ein ástæða er að framkvæmdastjóri er í 50% starfshlutfalli. Íþróttasjóður ríkisins og UMFÍ styrktu HSV um það að halda úti styrktaræfingum fyrir unga fólkið okkar.

10. Umræður og atkvæðagreiðsla um reikninga.

Orðið er laust og Marinó Hákonarson kveður sér hljóðs. Töluverð velta í sambandinu, ánægjulegt að miðað við þennan ársreikning er það að skila hagnaði. Það er í umræðunni og formaður sambandsins vill auka stöðugildi framkvæmdastjóra í 75% sem segir okkur að launakostnaður hækkar. 50+ mótið skilar hagnaði en samt er niðurstaðan sú að þær hagnaðartölur eru ekki nægar til að skila hagnaði félagsins mv framkvæmdastjóra í 50% hlutfalli. Vill fá svör við því hvernig á að brúa bilið ef hækkun verður á starfshlutfalli. Vill fá svör við því hvers vegna rétt rúmar 7 milljónir sem íþróttafélögin eiga inni hjá HSV voru ekki greiddar út um áramót. Önnur spurning er svohljóðandi, haldið þið að ársreikningar félaganna sem sitja þingið séu réttir? Sigríður Lára framkvæmdastjóri svarar fyrirsprunum Marinós. Skoðað betur þegar fjárhagsáætlun verður lögð fram varðandi það að brúa bilið í launakostnaði. Ef að ársreikningar eru endurskoðaðir og undirskrifaðir af endurskoðendum getur HSV ekki annað en litið á þá rétta. Ekkert fé fer til aðildafélaga nema réttmætir ársreikningar berist til HSV. Það sem aðildafélög fá er greitt þegar tilskyld gögn hafa borist, þess vegna er eitthvað sem er ógreitt því aðildafélög hafa ekki skilað því sem til þarf. Marinó Hákonarson þakkar fyrir að þingið sé haldið í maí. Hefði viljað fá upplýsingar um það frá starfsmanni sínum hjá HSV um það hverju hann þarf að skila til að fá þetta greitt til síns félags. Hefði viljað sjá

Héraðsþing HSV 23. maí 2017

styrkinn fyrir styrktaræfingum í liðnum framlög og styrkir. Skrifstofukostnaður er að hans mati mjög hár og lítur það gagnrýnum augum. Sigríður Lára segir að það sem er útistandandi á áramótum 2016 verði greitt út til aðildafélaganna sem um ræðir þegar þau hafa skilað tilskyldum gögnum. Skrifstofukostnaður er að stærstum hluta húsnæðiskostnaður, kostnaður fyrir skráningarkerfi Íþróttaskólans, þinghald og fundarkostnaður og bókhaldskostnaður. Styrktaræfingarnar eru ekki gerðar upp sérstaklega en í skýringum, undir einum liðnum aðrar tekjur, eru þessir styrkir fyrir styrktaræfingarnar. Marinó Hákonarson veit ekki hvort hann hefur skilið Sigríði Láru rétt að skili hann ársreikning fái hann eingöngu greitt fyrir árið 2016, það finnst honum ekki mögulegt og að þetta sé hrein eign félaganna. Skýrsla stjórnar og reikningar samþykkt samhljóða.

11. Kosning í nefndir

Fjárhagsnefnd: Karl Ásgeirsson stýrir því starfi

Allsherjarnefnd: Hildur Elísabet Pétursdóttir stýrir því starfi

Kjörnefnd: Harpa Grímsdóttir stýrir því starfi

Laganefnd: Stefanía Ásmundsdóttir stýrir því starfi

12. Fjárhagsáætlun fyrir næsta ár lögð fram.

Sigríður Lára Gunnlaugsdóttir framkvæmdastjóri HSV leggur fram fjárhagsáætlun HSV fyrir árið 2017 og 2018. Samstarfssamningar við Ísafjarðarbæ eru lausir um næstu áramót og ekkert í hendi um innkomu og þ.a.l ekki heldur um gjöld. Ræðir þó þær tölur sem lagðar hafa verið fram.

Þingforseti vísar fjárhagsáætlun til fjárhagsnefndar sem þingskjali nr. 2.

13. Laga- og reglugerðabreytingar lagðar fram.

Guðný Stefanía Stefánsdóttir leggur fram tillögu frá stjórn afreksmannasjóðs HSV:

Stjórn Afreksmannasjóðs HSV leggur til að 17. ársþing HSV, haldið á Ísafirði 23. maí 2017 samþykki eftirfarandi breytingar á reglugerð fyrir sjóðinn:

Afreksmannasjóður Héraðssambands Vestfirðinga

Reglugerð fyrir afreksmannasjóð Héraðssambands Vestfirðinga.

1. gr.

Sjóðurinn heitir Afreksmannasjóður Héraðssambands Vestfirðinga. Varnarþing hans skal vera starfssvæði HSV.

2. gr.

Tilgangur sjóðsins er að styrkja þá einstaklinga ~~eða~~ **hópa** innan HSV sem náð hafa umtalsverðum árangri í íþrótt sinni.

3. gr.

Eingöngu félagar ~~og keppnishópar~~ innan HSV, sem stunda íþróttir sem viðurkenndar eru af Íþróttá- og Ólympíusambandi Íslands (ÍSí), geta sótt um styrk úr sjóðnum.

4. gr.

Stjórn sjóðsins skal skipuð þremur ~~stjórnarmönnum~~ **einstaklingum** auk tveggja varamanna.

Í stjórn sjóðsins skal skipa á héraðsþingi ár hvert. Eigi má velja einstaklinga til stjórnarsetu í sjóðnum er gegna stjórnarsetu í aðildarfélagi innan HSV.

Varsla sjóðsins skal vera í höndum gjaldkera HSV.

Framkvæmdastjóri HSV er starfsmaður sjóðsins.

5. gr.

Tekjur sjóðsins skulu vera:
10% af óskiptum lottótekjum.
Styrkir og gjafir til sjóðsins.
Árlegt framlag Ísafjarðarbæjar.
Árlegt framlag fyrirtækja.
Vaxtatekjur.

6. gr.

Héraðsþing HSV 23. maí 2017

Framlög er sjóðnum berast og óskað er eftir að gangi til ákveðins íþróttamanns/~~manna~~ skulu ganga þannig til viðkomandi aðila beint. (að uppfylltum skilyrðum í gr. 3)

7. gr.

Stjórn sjóðsins getur veitt styrk ef viðkomandi uppfyllir eitthvert eftirtalinna skilyrða:

Ef hann keppir á eða hefur möguleika á þátttöku á Ólympíu-, Heims-, Evrópu- eða Norðurlandameistaramótum.

~~Ef hann er valinn í landslið eða úrtakshópa fyrir landslið. Ef hann er framarlega í íþróttagrein sinni á landsvísu eða hefur sýnt mjög góðan árangur og er líklegur til að komast í hóp bestu íþróttamanna landsins í íþróttagrein sinni. Skal þá miðað við styrkleikaflokkun sérsambanda (sé hún til).~~

~~Lið eða hópur getur fengið úthlutað úr Afrekssjóðnum ef viðkomandi lið eða hópur er framarlega í íþróttagrein sinni á landsvísu eða hefur sýnt mjög góðan árangur og er líklegur til að komast í hóp bestu liða/hópa landsins í íþróttagrein sinni. Skal þá miðað við styrkleikaflokkun sérsambanda (sé hún til).~~

8. gr.

~~Meginmarkmið sjóðsins er að styrkja unga og efnilega íþróttamenn sem líklegir eru til að verða afreksmenn í framtíðinni. Sjóðurinn skal ná því markmiði með því að gera 1-3 ára samning, sem tekur á stuðningi við íþróttamanninn og gerir hann betur í stakk búinn til að ná markmiðum sínum.~~

8.2 gr.

Samningsgerð

Gera skal samning við íþróttamanninn, aðildarfélag hans, þjálfara og eftir atvikum aðstandendur.

8.2 ~~8.3~~ gr.

Í samningi skal eftirfarandi koma fram:

- Bakgrunnsupplýsingar samningsaðila
- Markmið íþróttamanns
 - Skammtíma markmið
 - Langtímamarkmið
- Æfingaáætlun
- Yfirlit yfir stuðning afreksmannasjóðs
- Greiðsluáætlun
- Vörður og yfirlit yfir árangursfundi með stjórn afreksmannasjóðs

8.3 ~~8.1~~ gr.

Samningsferli

~~Ef afreksmaður sækir um að koma í samningsferli með afreksmannasjóði, skal hann leggja fram heildstæða og rökstudda áætlun til 1-3 ára um markmið og æfingaáætlun. Þeir aðilar sem koma að fyrirhuguðum samningi skulu kynna sína umsókn fyrir stjórn~~

Héraðsþing HSV 23. maí 2017

~~afreksmannasjóðs áður en sjóðsstjórnin tekur ákvörðun um styrk. Samningar eru uppsegjanlegir ef vanefndir verða á þeim að mati einstakra samningsaðila. Stjórn sjóðsins og umsækjandi ljúka samningsgerð. Samingarnir eru endurskoðaðir á hverju ári og eru uppsegjanlegir ef vanefndir verða á þeim.~~

9. gr.

~~Heimilt er að úthluta úr Afreksjóðnum einu sinni á ári til þeirra íþróttamanna sem ekki falla undir skilyrði til eru tilbúnir til að gera langtímasamnings. eða þar sem samningur hentar ekki af einhverjum orsökum.~~

~~Ef hann íþróttamaður sem er framarlega í íþróttagrein sinni á landsvísu eða hefur sýnt mjög góðan árangur og er líklegur til að komast í hóp bestu íþróttamanna landsins í íþróttagrein sinni fellur þar undir. Skal þá miðað við styrkleikaflokkun sérsambanda (sé hún til).~~

10. gr.

Styrkurinn miðast við fjármagnsgetu sjóðsins hverju sinni og tilkostnað vegna þátttöku. Styrkveitingar úr sjóðnum fara fram einu sinni á ári og skulu úthlutanir auglýstar í maífebrúar, ár hvert. Umsóknarfrestur skal vera minnst 10 dagar. Berist engar umsóknir, er falla undir skilgreiningu 7 og 9. gr., skal færa þá fjármuni er ætlaðir voru til úthlutunar, til næstu úthlutunar.

Stefna skal að því að undirrita samninga um stuðning fyrir héraðsþing HSV.

11. gr.

Umsóknir um styrk úr sjóðnum skulu berast sjóðsstjórn eigi síðar en 10 dögum fyrir styrkveitingu og vera undirritaðar af umsækjanda og formanni viðkomandi félaga/deildar með greinargerð um styrkþega.

Stjórn sjóðsins getur veitt styrki til einstaklinga eða hópa þótt ekki liggi fyrir skrifleg umsókn viðkomandi, telji hún það samrýmast reglum sjóðsins.

12. gr.

Héraðsþing HSV getur lagt niður sjóðinn með 2/3 greiddra atkvæða. Sé sjóðurinn lagður niður skal fjármunum sem í honum eru úthlutað til aðildarfélaga HSV samkvæmt gildandi úthlutunarreglum almennra styrkja á vegum HSV.

Reglugerðin lítur þá svona út eftir breytingar:

Afreksmannasjóður Héraðssambands Vestfirðinga

Reglugerð fyrir afreksmannasjóð Héraðssambands Vestfirðinga.

Héraðsþing HSV 23. maí 2017

1. gr.

Sjóðurinn heitir Afreksmannasjóður Héraðssambands Vestfirðinga. Varnarþing hans skal vera starfssvæði HSV.

2. gr.

Tilgangur sjóðsins er að styrkja þá einstaklinga innan HSV sem náð hafa umtalsverðum árangri í íþrótt sinni.

3. gr.

Eingöngu félagar innan HSV, sem stunda íþróttir sem viðurkenndar eru af Íþrótt- og Ólympíusambandi Íslands (ÍSí), geta sótt um styrk úr sjóðnum.

4. gr.

Stjórn sjóðsins skal skipuð þremur einstaklingum auk tveggja varamanna.

Í stjórn sjóðsins skal skipa á héraðsþingi ár hvert. Eigi má velja einstaklinga til stjórnarsetu í sjóðnum er gegna stjórnarsetu í aðildarfélagi innan HSV.

Varsla sjóðsins skal vera í höndum gjaldkera HSV.

Framkvæmdastjóri HSV er starfsmaður sjóðsins.

5. gr.

Tekjur sjóðsins skulu vera:

10% af óskiptum lottótekjum.

Styrkir og gjafir til sjóðsins.

Árlegt framlag Ísafjarðarbæjar.

Árlegt framlag fyrirtækja.

Vaxtatekjur.

6. gr.

Framlög er sjóðnum berast og óskað er eftir að gangi til ákveðins íþróttamanns skulu ganga þannig til viðkomandi aðila beint (að uppfylltum skilyrðum í gr. 3).

7. gr.

Stjórn sjóðsins getur veitt styrk ef viðkomandi uppfyllir eitthvert eftirtalinna skilyrða:

Hann keppir á eða hefur möguleika á þátttöku á Ólympíu-, Heims-, Evrópu- eða Norðurlandameistaramótum.

Hann er valinn í landslið eða úrtakshópa fyrir landslið.

8. gr.

Meginmarkmið sjóðsins er að styrkja unga og efnilega íþróttamenn sem líklegir eru til að verða afreksmenn í framtíðinni. Sjóðurinn skal ná því markmiði með því að gera 1-3 ára samning.

Héraðsþing HSV 23. maí 2017

8.1 gr.

Samningsferli

Sæki afreksmaður um að koma í samningsferli með afreksmannasjóði, skal hann leggja fram heildstæða og rökstudda áætlun til 1-3 ára um markmið og æfingaáætlun. Stjórn sjóðsins og umsækjandi ljúka samningsgerð. Samningarnir eru endurskoðaðir á hverju ári og eru uppsegjanlegir ef vanefndir verða á þeim.

8.2 gr.

Samningsgerð

Gera skal samning við íþróttamanninn, aðildarfélag hans, þjálfara og eftir atvikum aðstandendur.

8.3 gr.

Í samningi skal eftirfarandi koma fram:

- Bakgrunnsupplýsingar samningsaðila
- Markmið íþróttamanns
 - Skammtíma markmið
 - Langtímamarkmið
- Æfingaáætlun
- Yfirlit yfir stuðning afreksmannasjóðs
- Greiðsluáætlun
- Vörður og yfirlit yfir árangursfundi með stjórn afreksmannasjóðs

9. gr.

Heimilt er að úthluta úr Afreksjóðnum einu sinni á ári til þeirra íþróttamanna sem ekki falla undir skilyrði til langtímasamnings.

Íþróttamaður sem er framarlega í íþróttagrein sinni á landsvísu eða hefur sýnt mjög góðan árangur og er líklegur til að komast í hóp bestu íþróttamanna landsins í íþróttagrein sinni fellur þar undir.

10. gr.

Styrkurinn miðast við fjármagnsgetu sjóðsins hverju sinni og tilkostnað vegna þátttöku. Styrkveitingar úr sjóðnum fara fram einu sinni á ári og skulu úthlutanir auglýstar í maí, ár hvert. Umsóknarfrestur skal vera minnst 10 dagar. Berist engar umsóknir, er falla undir skilgreiningu 7. og 9.gr., skal færa þá fjármuni er ætlaðir voru til úthlutunar, til næstu úthlutunar.

11. gr.

Umsóknir um styrk úr sjóðnum skulu berast sjóðsstjórn eigi síðar en 10 dögum fyrir styrkveitingu og vera undirritaðar af umsækjanda og formanni viðkomandi félaga/deilda með greinargerð um styrkþega.

12. gr.



Héraðsþing HSV 23. maí 2017

Héraðsþing HSV getur lagt niður sjóðinn með 2/3 greiddra atkvæða. Sé sjóðurinn lagður niður skal fjármunum sem í honum eru úthlutað til aðildarféлага HSV samkvæmt gildandi úthlutunarreglum almennra styrkja á vegum HSV.

Greinagerð:

Á 15. ársþingi HSV 20. maí 2015, var samþykkt ný reglugerð um Afreksmannasjóðt HSV.

Þær breytingar sem hér koma fram eru fyrst og fremst til að einfalda texta og auðvelda vinnuferil varðandi umsóknir. Ekki er um efnislegar breytingar að ræða.

Vísað til laganefndar sem þingskjal nr.3

14. Veiting heiðursmerkja.

Heiðursviðurkenningar á héraðsþingi HSV 2017

Guðný Stefanía Stefánsdóttir veitir heiðursmerki HSV.

Eftirfarandi aðilum var veitt silfurmerki:

Grétar Eiríksson Herði

Grétar kom til starfa sem handboltapjálfari hjá Herði haustið 2014 og er því að ljúka sínum þriðja vetri hér á Ísafirði. Allt frá fyrstu stund sýndi hann að hann er sérlega hæfur þjálfari, félagi og fyrirmynd. Hann nær mjög vel til allra sinna iðkenda og hvar sem hann hefur komið við er farið um hann lofsamlegum orðum. Grétar hefur ávalt verið tilbúin til að aðstoða við íþróttaskóla HSV og sá að miklu leiti um kennslu þar í afleysingum veturinn 2015-2016. Það er eftirsjá af Grétari sem nú heldur til annara starfa en við vonum að með tíð og tíma átti hann sig á að á Ísafirði á hann heima.

Hanna Mjöll Ólafsdóttir Vestra

Hanna hefur um árabil starfað í grasrót íþróttahreyfingarinnar. Hún hefur verið tengiliður í fótboltanum upp flesta flokka, bæði stúlkna og drengja. Hún hefur einnig um langa hríð starfað af krafti fyrir Skíðafélag

Héraðsþing HSV 23. maí 2017

Ísfirðinga. Ófáar keppnisferðir hefur hún skipulagt og staðið vaktina við fjáraflanir af flestum toga. Það er ómetanlegt að hafa liðsmann eins og Hönnu sem gengur í verk og framkvæmir og ekki bara einu sinni eða tvisvar heldur oft og margsinnis.

Stefanía Ásmundsdóttir Vestra/HSV

Stefanía er borin og barnfæddur Grindvíkingur og stundaði körfubolta að kappi með sínu félagi öll sín uppvaxtarár. Stefanía kom til liðs við KFÍ haustið 2000 og var lykilmáður í liðinu. Eftir að ferli hennar lauk hefur hún varið öflug sem þjálfari og einnig hefur hún unnið mikið fyrir félagið sem foreldri. Stefanía var formaður undirbúningsnefndar fyrir Landsmót 50+ sem fram fór á Ísafirði síðastliðið sumar. Þar vann hún mikið og öflugt starf sem skilaði okkur góðu og vel skipulögðu móti. Einnig situr Stefanía í stjórn Afrekssjóðs HSV. Stefanía hefur sýnt það í verki að hún hefur verið íþróttahreyfingunni hér á norðanverðum Vestfjörðum mikill styrkur.

Svava Rán Valgeirsdóttir Stefni

Svava er formaður Stefnis og stýrir þar starfi sem er skemmtileg blanda af gamla ungmennafélagsandanum og nútíma afrekssstarfi. Svava hefur lagt mikla áherslu á fjölbreytt starf fyrir bæði börn og fullorðna á Suðureyri þar sem lögð er áhersla á samveru og gleði. Hún hefur einnig sinnt ýmsum samfélagsmálum á Suðureyri í gegnum sitt íþróttastarf. Svava hefur verið í mjög góðu samstarfi við íþróttaskóla HSV.

Einn aðili hlaut gullmerki HSV:

Torfi Einarsson

Erfitt er að skipa Torfa í lið eða félag. Hann hefur komið víða við bæði sem iðkandi, keppandi, þjálfari, stjórnarmaður og foreldri. Sjálfur stundaði hann júdó á yngri árum og hélt úti æfingum í júdó um tíma. Torfi hefur einnig verið ötull félagsmaður hjá Sæfara og á að baki margar vinnustundir þar við uppbyggingu aðstöðu og ekki síður í kringum barna- og unglíngastarf. Torfi

Héraðsþing HSV 23. maí 2017

hefur um hríð verið í aðalstjórn Harðar og sem formaður frá árinu 2014. Hann lét af formennsku í vetur en mun áfram þjálfa glímuiðkendum félagsins líkt og verið hefur undanfarin ár. Torfi er hversmanns hugljúfi og lipur í samstarfi. HSV vill hér með þakka Torfa hans framlag til íþróttastarfs á svæðinu og hlakkar til að njóta starfskrafta hans áfram um ókomna tíð.

15. Aðrar tillögur lagðar fram

Guðný Stefanía Stefánsdóttir leggur fram tillögur stjórnar:

Tillögur stjórnar HSV fyrir ársþing HSV 2017

Tillaga nr. 1 þingskjal nr. 4

17. ársþing HSV haldið á Ísafirði 23. maí 2017, skorar á Ísafjarðarbæ, Súðavíkurbæ og Bolungarvík að styðja áfram dyggilega við íþrótt- og æskulýðsstarf.

Greinargerð:

Íþrótt- og æskulýðsstarf hefur mikla þýðingu fyrir mannlífið á hverjum stað. Sést það best á þeim fjölmörgu iðkendum og félögum innan aðildarfélaganna HSV. Öflugt íþrótt- og tómstundastarf gerir að margra mati, sveitarfélög samkeppnishæfari þegar fjölskyldur og einstaklingar velja sér búsetu. Því er mikilvægt að sveitarfélögin styðji vel við bakið á íþróttahreyfingunni svo halda megi áfram því góða starfi sem unnið er innan hennar.

Vísað til Alsherjarnefndar

Tillaga nr. 2 merkt sem þingskjal nr. 5

17. ársþing HSV haldið á Ísafirði 23. maí 2017, hvetur Alþingi og ríkisstjórn Íslands til að auka framlög í ferðasjóð.

Greinargerð: Ferðasjóður íþróttafélaganna hefur svo sannarlega sannað gildi sitt og er gríðalega mikilvægur fyrir íþróttafélögin í landinu og sérstaklega á landsbyggðinni. Árlega sækja um 140 íþróttafélög, úr öllum íþróttahéruðum ÍSÍ, um styrki úr Ferðasjóði íþróttafélaga vegna ferða á fyrirfram skilgreind styrkhæf íþróttamót innanlands. Mikilvægt er að íþróttafélögin hvetji ríkisstjórnina til að halda áfram með ferðasjóðinn og auka framlög í hann. Þingið felur framkvæmdastjóra og gjaldkera að skerpa á greinagerðinni í samræmi við umræður í nefndinni.

Vísað til alsherjarnefndar

Tillaga nr. 3 þingskjal nr.6

17. ársþing HSV haldið á Ísafirði 23. maí 2017, færir Ísafjarðarbæ, bæjarstjórn og íþrotta- og tómstundanefnd þakkir fyrir stuðning við HSV á liðnum árum og hvetur til þess að haldið verði áfram á sömu braut.

Vísað til alsherjarnefndar

Tillaga nr. 4 merkt sem þingskjal nr. 7

17. ársþing HSV haldið á Ísafirði 23. maí 2017, hvetur Alþingi Íslendinga til að standa vörð um Íslenska getsþá og þá fjármuni sem veitt er til íþrotta- og æskulýðsmála.

Vísað til alsherjarnefndar.

Tillaga nr. 5 þingskjal nr.8

17. ársþing HSV haldið á Ísafirði 23. maí 2017, skorar á Ísafjarðarbæ að horfa til HSV þegar verkefni myndast hjá Ísafjarðarbæ svo hægt sé að stækka og styrkja gildandi verkefnasamning.

Greinargerð:

Verkefnasamningur Ísafjarðarbæjar og er gríðalega mikilvægur fyrir íþróttafélögin í bænum og geta þau með auknu fjármagni þjónustað iðkendur sína enn betur. Enginn vafi er heldur að Ísafjarðarbæ nýtur einnig góðs af þessu ekki einungis með betra íþróttalífi í bænum heldur fær sveitarfélagið verkefni sín mjög vel unnin fyrir mjög sanngjarna greiðslu.

Vísað til alsherjarnefndar

Tillaga nr. 6 merkt sem þingskjal nr. 9

17. ársþing HSV haldið á Ísafirði 23. maí 2017, hvetur aðildarfélag til að fjölmenna á landsmót UMFÍ 50+ í Hveragerði 23.- 25. júní og Unglingalandsmót UMFÍ haldið á Egilstöðum 4.-7. ágúst.

Vísað til alsherjarnefndar

Tillaga nr. 7 merkt sem þingskjal nr.10

17. ársþing HSV haldið á Ísafirði 23. maí 2017, hvetur aðildarfélög sambandsins til að halda á lofti áróðri og beita sér af alefli gegn allri tóbaksnotkun og annarri notkun fíkniefna. Á meðan að það er vöntun á rannsóknum á skaðsemi rafsígaretta ætti að takmarka notkun þeirra við sömu svæði og reykingar.

Greinargerð: Óásættanlegt er að tóbak og önnur fíkniefni, hverju nafni sem þau nefnast, séu notuð í tengslum við íþróttaiðkun af iðkendum, þjálfurum og öðrum þeim sem koma að skipulögðu starfi íþróttahreyfingarinnar. Allir sem starfa fyrir íþróttahreyfinguna bera ábyrgð sem fyrirmyndir barna og ungmenna, ekki síst þjálfarar og afreksíþróttafólk. Munntóbak hefur hingað til verið vinsælt meðal ungra karlmannna en á undanförunum árum hafa æ fleiri ungar konur einnig byrjað að nota munntóbak. Rannsóknir sýna að neysla munntóbaks hefst oft vegna hópþrýstings og fyrirmynda. Komið hefur fram í rannsóknum að munntóbaksneytendum er hættara við meiðslum en þeim sem ekki nota munntóbak. Meiðsl í vöðvum, liðum, hnjám, liðböndum og sinum og bakeymsli ýmiss konar voru algengari meðal munntóbaksneytenda en þeirra sem ekki notuðu munntóbak eða reyktóbak.

Vísað til alsherjarnefndar.

Tillaga nr. 8 merkt sem þingskjal nr. 11

17. ársþing HSV haldið á Ísafirði 23. maí 2017, skorar á Ísafjarðarbæ að hraða sem hægt er undirbúningsvinnu og framkvæmdum vegna byggingar fjölnota íþróttahúss í bænum.

Greinagerð:

Málið er í skipulagsferli og mikilvægt að hægt verði að byrja sem fyrst á framkvæmdum. Stundaskrá þróttahússins á Torfnesi er fyrir löngu sprungin og myndi nýtt fjölnotahús með aðstöðu til knattspyrnuíðkunar liðka mjög fyrir nýtingu tíma þar.

Vísað til alsherjarnefndar

Fleiri tillögur berast ekki.

16. Nefndarstörf um framlagðar tillögur og önnur mál sem nefndir ákveða að taka fyrir.

Nefndir vinna sín störf undir stjórn formanna nefnda.

17. Afgreiðsla á álitum nefnda.

Stefanía Ásmundsdóttir talar máli laganefndar. Góðar umræður og niðurstaðan er sú að þær breytingar sem búið var að kynna voru samþykktar í nefndinni. Tillagan um afrekssjóðinn kemur óbreytt útúr nefndinni. Afstaða þingsins er sú að tillagan er samþykkt.

Karl Ásgeirsson talar máli fjárhagsnefndar. Fjárhagsáætlun 2017 samþykkt með einu móttakvæði í nefndinni. Marínó Hákonarson kveður sér hljóðs og vill ræða fjárhagsáætlun 2017. Segist eiga sök á þessu eina móttakvæði og vill láta bóka að forgangsröðun sé sérstök að setja eitthvað í námskeiða- og kynningarhald í stað þess að skipta því til félaganna. Vill sjá stefnu um það hvernig á að verja þessum peningum. Saknar þess að sjá ekki rekstrartekjur frá Ísafjarðarbæ fara beint til

Héraðsþing HSV 23. maí 2017

grasrótarinnar, til félaganna. Guðný Stefanía, formaður HSV, er ekki sammála Marinó. Tekur það fram að það sé alveg ljóst að þessir peningar eru notaðir fyrir aðildafélögin, þau geti notið þess að koma á þessi námskeið og kynningar og notið góðs af. Hún tekur fram að Marinó geti sjálfur boðið krafta sína til formennsku eða stjórnarsetu ef hann vill sjá miklar breytingar á vinnubrögðum. Marinó fer í pontu og talar um að fólk hafi ólíkar skoðanir á hlutunum og menn verði að þola það. Ef einhver þurrð sé á stjórnarmönnum í HSV þá telur hann sig geta boðið sig fram til einhverra starfa

Sigríður Lára kvaddi sér hljóðs, ræddi um að á fjárhagsáætlun væri gert ráð fyrir auknu fjármagni í námskeiðahald. Þetta sé gert til þess að efla starfsemi félaganna. Mörg námskeið sem styrkja þjálfara yngri flokka eru í boði fyrir sunnan sem okkar fólk á ekki kost á að sækja. Slík námskeið eru þó gríðarlega gagnleg sérstaklega fyrir þjálfara yngri flokka. Marinó biðst afsökunar á orðavali sínu og ætlar að skoða það við kosningar þingsins hvort þörf sé á stjórnarmönnum og vill þá gjarnan taka þátt í störfum félagsins. Sigríður Lára talar um þau verkefni sem framundan eru varðandi kynningar og fyrirlestra og tekur fram að kostnaður getur verið gífurlegur þegar fengnir eru fyrilesarar til að flytja erindi hér fyrir vestan. Varðandi rekstrartekjur frá Ísafjarðarbæ. Samkvæmt samningi við Ísafjarðarbæ er kveðið á um að hluti af rekstrarstyrki frá Ísafjarðarbæ renni til reksturs HSV, ákveðin verkefni eru nefnd innan samningsins sem HSV ber skylda til að inna af hendi og lífsins ómögulegt er að framfylgja þeim án þess að það kosti pening.

Fjárhagsáætlun samþykkt með þorra atkvæða, gegn einu.

Hildur Elísabet formaður alsherjarnefndar fylgir sínum tillögum úr hlaði.

Tillaga nr. 1 þingskjal nr. 4

Héraðsþing HSV 23. maí 2017

17. ársþing HSV haldið á Ísafirði 23. maí 2017, skorar á Ísafjarðarbæ, Súðavíkurrepp og Bolungarvík að styðja áfram dyggilega við íþróttá- og æskulýðsstarf.

Greinargerð:

Íþróttá – og æskulýðsstarf hefur mikla þýðingu fyrir mannlífið á hverjum stað. Sést það best á þeim fjölmörgu iðkendum og félögum innan aðildarfélaganna HSV. Öflugt íþróttá og tómstundastarf gerir að margra mati, sveitarfélög samkeppnishæfari þegar fjölskyldur og einstaklingar velja sér búsetu. Því er mikilvægt að sveitarfélögin styðji vel við bakið á íþróttahreyfingunni svo halda megi áfram því góða starfi sem unnið er innan hennar.

Tillaga nr.1 fer óbreytt úr nefnd, samþykkt samhljóða

Tillaga nr. 2 merkt sem þingskjal nr. 5

17. ársþing HSV haldið á Ísafirði 23. maí 2017, þakkar Alþingi og ríkisstjórn Íslands fyrir aukin framlög í Ferðasjóð íþróttafélaga og hvetur jafnframt til að áfram verði haldið á þeirri braut .

Greinargerð: Ferðasjóður íþróttafélaganna hefur svo sannað gildi sitt og er gríðalega mikilvægur fyrir íþróttafélögin í landinu og sérstaklega á landsbyggðinni. Árlega sækja um 140 íþróttafélög, úr öllum íþróttahéruðum ÍSÍ, um styrki úr Ferðasjóði íþróttafélaga vegna ferða á fyrirfram skilgreind styrkhæf íþróttamót innanlands. Mikilvægt er að íþróttafélögin hvetji ríkisstjórnina til að halda áfram að auka framlög í sjóðinn.

Tillaga nr.2 breytist. Samþykkt samhljóða

Tillaga nr. 3 þingskjal nr. 6

18. ársþing HSV haldið á Ísafirði 23. maí 2017, færir Ísafjarðarbæ, bæjarstjórn og íþróttá- og tómstundanevnd þakkir fyrir stuðning við HSV á liðnum árum og hvetur til þess að haldið verði áfram á sömu braut.

Tillaga nr.3 óbreytt. Samþykkt samhljóða

Tillaga nr. 4 merkt sem þingskjal nr. 7

19. ársþing HSV haldið á Ísafirði 23. maí 2017, hvetur Alþingi Íslendinga til að standa vörð um Íslenska getsþá og þá fjármuni sem veitt er til íþróttá- og æskulýðsmála.

Tillaga nr.4 óbreytt. Samþykkt samhljóða

Tillaga nr. 5 þingskjal nr. 8

17. ársþing HSV haldið á Ísafirði 23. maí 2017, skorar á Ísafjarðarbæ að horfa til HSV þegar verkefni myndast hjá sveitarfélaginu svo hægt sé að stækka og styrkja gildandi verkefnasamning.

Greinargerð:

Verkefnasamningur Ísafjarðarbæjar er afar mikilvægur fyrir íþróttafélögin í bænum og geta þau með auknu fjármagni þjónað iðkendur sína enn betur. Enginn vafi er heldur á að Ísafjarðarbær nýtur góðs af samningnum með betra íþróttalífi í bænum og fær verkefni sín vel unnin fyrir mjög sanngjarna greiðslu.

Tillaga nr.5 óbreytt. Samþykkt samhljóða

Tillaga nr. 6 merkt sem þingskjal nr. 9

17. ársþing HSV haldið á Ísafirði 23. maí 2017, hvetur aðildarfélög til að fjölmenna á landsmót UMFÍ 50+ í Hveragerði 23.- 25. júní og Unglingalandsmót UMFÍ haldið á Egilstöðum 4.-7. ágúst.

Tillaga nr.6 óbreytt. Samþykkt samhljóða

Tillaga nr. 7 merkt sem þingskjal 10

17. ársþing HSV haldið á Ísafirði 23. maí 2017, hvetur aðildarfélög sambandsins til að halda á lofti áróðri og beita sér af alefli gegn allri tóbaksnotkun og annarri notkun fíkniefna. Á meðan að það er vöntun á rannsóknnum á skaðsemi rafsígarettu ætti að takmarka notkun þeirra við sömu svæði og reykingar.

Greinargerð: Óásættanlegt er að tóbak og önnur fíkniefni, hverju nafni sem þau nefnast, séu notuð í tengslum við íþróttaiðkun af iðkendum, þjálfurum og öðrum þeim sem koma að skipulögðu starfi íþróttahreyfingarinnar.

Tillaga nr.7. Breyting á greinargerð. Samþykkt samhljóða

Tillaga nr. 8 merkt sem þingskjal nr. 11

17. ársþing HSV haldið á Ísafirði 23. maí 2017, skorar á Ísafjarðarbæ að hraða undirbúningsvinnu og framkvæmdum vegna byggingar fjölnota íþróttahúss í bænum.

Héraðsþing HSV 23. maí 2017

Greinagerð:

Málið er í skipulagsferli og mikilvægt að hægt verði að byrja sem fyrst á framkvæmdum. Stundaskrá þróttahússins á Torfnesi er fyrir löngu sprungin og myndi nýtt fjölnotahús með aðstöðu til knattspyrnuíðkunar liðka mjög fyrir nýtingu tíma þar.

Ingi Björn Guðnason kveður sér hljóðs. Vill koma sjónarmiði sínu á framfæri varðandi það að eðlilegt sé að nota rétt orð um hlutina, vill kalla húsið knattspyrnuhús en ekki fjölnota íþróttahús. Vill að íþróttahreyfingin kalli þetta því nafni sem það er.

Tillaga nr.8 breyta orðalagi. Samþykkt samhljóða

Harpa Grímsdóttir gerir grein fyrir tillögum kjörnefndar. Fer yfir stöðuna í stjórninni núna og tekur fram að allir gefi kost á sér áfram. Þingforseti kallar eftir því hvort önnur framboð eru á þinginu, svo er ekki.

18. Önnur mál.

Sigríður Lára Gunnlaugsdóttir framkvæmdastjóri HSV biður um orðið. Hún fer lauslega yfir skil á skýrslum aðildarfélaga til HSV og ÍSÍ. Skila skal starfsskýrslu til ÍSÍ gengum Felix skráningarkerfið fyrir 15. apríl. Starfsskýrslur skulu innihalda ársreikning félags og féлага- og iðkendatal. Aðildarfélög skuli skila ársskýrslum til HSV að loknum aðalfundum sínum eða eigi síðar en 31. maí. Ársskýrslur skulu innihalda skýrslu stjórnar með árituðum ársreikningi. Hún minnir ennfremur stjórnarmenn á að halda vel utan um skráningu iðkenda og minnir á að skipting styrkja tekur að miklu leyti mið af fjölda iðkenda í Felix skráningarkerfinu. Marínó Hákonarson kveður sér hljóðs. Vill vekja athygli á því að það kom ekki fram ártal í kynningu Sigríðar Láru varðandi ársskýrsluskil aðildafélaga.

19. Kosningar,

a. Kosning formanns.

Guðný Stefanía Stefánsdóttir býður sig fram til formanns til eins árs.

Sjálfkjörin

b. Kosning tveggja stjórnarmanna til 2 ára.

Hildur Elísabet Pétursdóttir og Ingi Björn Guðnason ganga úr stjórn eftir tveggja ára stjórnarsetu. Þau gefa bæði kost á sér til áframhaldandi setu.

Sjálfkjörin í stjórn til tveggja ára.

c. Kosning þriggja manna í varastjórn til 1 árs. Tillaga stjórnar eru Elín Marta Eiríksdóttir, Elísa Stefánsdóttir og Heimir Hansson. Önnur framboð berast ekki. Þau eru kosin með lófaklappi.

d. Kosning tveggja skoðunarmanna reikninga og tveggja til vara.

Guðmundur Kjartansson og Bjarki Bjarnason aðalmenn .

Óðinn Gestsson og Einar Pétursson varamenn. Allir kosnir með lófaklappi.

e. Stjórn HSV falið að kjósa þriggja manna stjórn afreksmannasjóðs.

20. Þingslit.

Guðný Stefanía Stefánsdóttir formaður HSV slítur þinginu kl.20.50